



Inatsisartunut ilaasortaq
Jens Napätök'
Maani/

§ 37 naapertorlugu apeqquteqaammut nr. 012-2026 Arctic Prime Fisheries ApS tunngasumut akissut

12-02-2026

28-01-2026

Suliap normua: 2026 - 2346

Akt normu: 26185867

Inatsisartut suleriaasianni § 37, imm.1 naapertorlugu Naalakkersuisunut nassiussisimavutit, *Arctic Prime Fisheries ApS* pillugu. Apeqqutitit uanga suliassaqaqfigisannut akisassanngortinneqarsimapput.

Postboks 269

3900 Nuuk

Oqarasuaat (+299) 34 50 00

Fax: (+299) 34 63 55

E-mail: apn@nanoq.gl

www.naalakkersuisut.gl

1. Ukiuni 2020-2025 Arctic Prime Fisheries ApS-ip Tunumi avataasiortunik saarullittassinneqarnermini pisassiissutigineqartunik qanoq annertutigisumik ukiumut aamma aqutsivinnut sorlernut tunisisarpat?

1 pillugu) Arctic Prime Fisheries ApS-imut piffissammi 2020-2025 pisassiissutit agguataarnerat pisassiissutiniillu piset pillugit takussutissiaq ilanngussaq 1-imi takuneqarsinnaapput. Agguaasseqqittoqarnemilu qanoq annertutigisunik pissarsisimasinnaanerannik utertitsisimasinnaanerannillu, pisassiissutiminnillu atuisimanerat procentinngorlugu naatsorsorneqarpoq.

2. Ukiuni 2020-2025 Arctic Prime Fisheries ApS-ip avataasiortunik saarullittaminit ukiumut tonsinngorlugit qassit Kujataanut?

2 pillugu) Arctic Prime Fisheries ApS-ip Nanortalimmut imaluunniit Qaqortumut piffissami 2020-2025 tunisai tonsinngorlugit takussutissiami takutinneqarput.

	2020	2021	2022	2023	2024	2025
KANUAPNA-mit kisitsisit	2.409	5.438	2.876	1.851	1.936	2.628

Arctic Prime Fisheries ApS Naalakkersuisoqarfimmik aalisarnej pillugu suliassaqaqfiusumik 2020-mi allaqateqarpoq. Arctic Prime Fisheries ApS nassuiarpaa, containerit qerititsiviit Islandimit Nanortalimmut nassiunneqarnikut tunngavilersuissullunilu tunisassiorfimmi suliffissaqaqtitsilerami tulaassisussaatitaanermik siunertaq naammassineqartoq.

3. Ukiuni 2020-2025 Arctic Prime Fisheries ApS-ip Tunumi avataasiortunik saarullittaminit Kujataanut procentinngorlugit qassit ukiumut tunisarpai?

3 pillugu) Tulaassat qanoq annertutigisut pisinneqarnerannut (pisassiissutinit pisanut) sanilliullugit aamma Arctic Prime Fisheries ApS-imut pisassiissutitut sanilliullugit procentinngorlugit takussutissiami attaan takuneqarsinnaapput.

	2020	2021	2022	2023	2024	2025
Tulaassat annertussusaat	2.409	5.438	2.876	1.851	1.936	2.628
Pisassiissutinit pisat	6.620	10.507	10.034	9.132	9.772	9.756
Tulaassat %-inngorlugit	36	52	29	20	20	27
Pisassiissutit	7.078	10.496	10.032	9.781	10.481	11.021
Tulaassat %-inngorlugit	34	52	29	19	18	24

4. Ukiuni 2020-2025 Arctic Prime Fisheries ApS-ip angallatai Kujataani avataasiortunik saarullittaminik tunisileraangata KANUAPNA qasseriarluni ukiumut misissuisarpa?

4 pillugu) Kalaallit Nunaanni Aalisarnermik Piniarnermillu Nakkutilliisoqarfik (KANUAPNA) ilisimatitsivoq ataasiarluni misissuisoqartoq, tamannalu 2021 ingerlanneqartoq.

5. Ukiualuit matuma siorna Arctic Prime Fisheries ApS-ip Tunumi avataasiortunik saarullittaminik 50 %-imik tulaassisussaatitaavoq. Ukiuni 2020-2025 Arctic Prime Fisheries ApS-ip tulaassisussaatitaanini naapertorlugu Tunumut saarullittaminik ukiumut qanoq annertutigisumik tunisisarpat?

5 pillugu) Arctic Prime Fisheries ApS-imut avataani saarullittassiissutit piffissami tamami tulaanneqartussaatitaapput. Arctic Prime Fisheries ApS 2022-mit Tunumi pisassiissutiminik tamarmi 25 %-inik tulaassisussaatitaavoq. Pisassiissutit amerlassusaat takussutissiami takuneqarsinnaavoq:

Ukiut	Pisassiissutit	Tulaassisussaatitaaneq	Tulaassisussaatitaanermi pisassiissutit amerlassutaa
2020	*	*	*
2021	10.146	50 %	5.073
2022	10.481	25 %	2.620
2023	10.481	25 %	2.620
2024	10.481	25 %	2.620
2025	11.021	25 %	2.755

* Arctic Prime Fisheries ApS 2020-mi Kalaallit Nunaata kujataata kangiani aamma Kalaallit Nunaata kujataata kitaani pisassiissutininik 100 %-inik tulaassisutssaatinneqarput. Tunumi 17.5 %-imik tulaassisussaaasimapput. Qaqortoq Fish ApS-imut kattuppoq, pisassiissutit taamaammat 403-mit 5.604 tonsinut aamma 415-imi 2.274-inut qaffapput.

6. Aalisarnermut, Piniarnermut, Nunalerinermut Imminullu Pilersornermut Naalakkersuisoqarfiup ukiuni 2014-2026 islandimiut ingerlatseqatigiiffissuat Arctic Prime (taassuma ataaniipput Arctic Prime Fisheries ApS, Arctic Prime Coastal ApS aamma Arctic Prime Production ApS) ukiumoortumik naatsorsuutaannik piumaffigisimavaat?

6 pillugu) Naamik. Pisassiissutininik agguassinermi aalisarnerq pillugu inatsimmi § 9 tassunga ilanngullugu § 77 naapertorlugit piginnittuuneq tunngavigisarpaput. Naatsorsuutit tamanut uvani takuneqarsinnaapput: <https://datacvr.virk.dk/>.

7. Naalakkersuisut eqqunngitsuunerarsinnaavaat suliffeqarfissuup Arctic Prime-p iluminni nunamiit nunamut aningaasanik nalilinnillu nuussisarnernut periutsit,

ilaatigut taaneqartartut 'transfer pricing' assigisaalu atuutsittaraat avataasiortunik saarullittanik Islandimut nioqquteqaleraangamik?

7 pillugu) Transfer pricing suliassaqaarfimma avataaniimmat, Akileraartarnermut Aqutsisoqaarfimmut tusarniaavunga. Imatut ilisimatitsipput:

Akileraarnermut tunngatillugu pisariaqartoq tassaavoq suliffeqarfissuarmi annikitsualunnut akuliunnani iliuuseqarnerseq, piginnittuunikkut taasisinnaanikkulluunniit aqutsisoqarnerseq nalilersussallugit. Aalajangiisuulluni sunniuteqarnermi toqqaannartumik toqqaannangitsumilluunniit 50 procentit sinnerlugit aktianik piginneqatigiissuteqarnissaq imaluunniit 50 procentit sinnerlugit taasisinnaanissaq pisariaqarput. Taamatut nunanit allanit piginnittoqanngilaq. Aalisarseq pillugu inatsimmi § 6, 2) naapertorlugu suliffeqarfimmi piginneqatigiissutit 1/3-ii nunanit allanit pigineqarsinnaapput. Inatsisip nutaap atuutilersinneqarnerani § 9-p eqqortinnissaanut § 77 naapertorlugu ukiuni qulini piffissaq ikaarsaariarik atuutilersinneqarpoq.

Aqutsisuulluni sunniuteqarneq piginnittuuneq taasisinnaatitaanerluunniit 50 procentiugaluartoq annikinnerugaluartorluunniit atuutitinneqarsinnaavoq. Assersuutigalugu aktiaatillit isumaqatigiissutaatigut ataatsimut aalajangiisuulluni sunniuteqarnerup atuutitinneqarsinnaanera pisariaqarpoq. Akileraartarnermut Aqutsisoqarfiup suliffeqarfissuarmi isumaqatigiissutinut tunngatillugu pissutsit taamaannerat uppersarnisinnaanikuunngilaa.

8. Aalisarseq pillugu inatsimmi §1 malillugu siunertaavoq qulakkeerseqassasoq inuiaqatigiinnut siunissami sapinngisamik annerpaamik aningaasaqarnikkut aalisarseq iluaqutaassasoq. Naalakkersuisut qanoq isumaqarfigaat Arctic Prime Fisheries ApS amerlanertigut ukiumiit ukiumut amigartoorujussuuartarmat, taamaallutillu ingerlatseqatigiiffittut akileraarteqartarnerat inuiaqatigiinnut kalaallinut iluaqutaasannginnera?

8 pillugu) Arctic Prime Fisheries ApS ingerlatseqatigiiffittut allatuulli pisuussutit erniaanni akitsuutiniq akilissarput. Arctic Prime Fisheries ApS 2007-imit saarullinnik pisassinneqartarpoq. Piffissami tassani saarullinnik pisassiissutit ilaannik annertuunik Kujataani tunisassiorfinnut tulaassinissaat tamatumalu aalisarnermut suliffissaqartitsineq ineriartornerlu annertusarniarlugu piumasaqaataavoq.

9. Arctic Prime Coastal ApS-ip 2024-mi ukiumoortumik naatsorsuutai malillugit ingerlatseqatigiiffiup nammineq pigisai 228 mio.kr-nik amigartooruteqarput. Naalakkersuisut isumaqarpat Arctic Prime tassaasoq islandimiut iluaquserniarlugit anngiortumik nioqquteqarfik?

9 pillugu) Naalakkersuisut suliffeqarfissuup Arctic Prime-p Islandimi soqutiginnittunut isortortukkut akunnermiliuttuuneranik maannakkut uppersaatissaqanngillat.

10. Naalakkersuisut naliliinerat malillugu Arctic Prime Fisheries ApS-ip ukiumut amigartooruaannarnerat, taamaattumillu inuiaqatigiinnut akileraartannginnerat peqqutigalugu siunissami pisassinneqartarnerannut sunniuteqartinneqartariaqartoq?



10 pillugu) Avataani pisassiissutit, ingerlatseqatigiiffiit Inatsisartut inatsisaata atuutilersinneqarneranit tassunga ilanngullugu Aaliarneq pillugu Inatsisartut inatsisaanni § 77 naapertorlugu § 9-mik kingusinnerpaamik ukiut qulit qaangiutsinnagit eqqortitsinissaat piumasaqaatigalugu Aalisarsinnaanermut akuersissutit pisassiissutillu pillugit Namminersorlutik Oqartussat nalunaarutaanni § 24 malillugu agguanneqartarput.

Inussiarnersumik inuulluaqqusillunga

Peter Borg
Aalisarnermut, Piniarnermut, Nunalerinermut, Imminut Pilersornermut Avatangiisinullu
Naalakkersuisoq



Ilanngussaq 1: Arctic Prime ApS-imut piffissami 2020-2025 Tunumi saarullinnik pisassiissutininik takussutissiaq

2020

Aalisagaqatigiit	Sumiiffik	Pisassiissutit	Agguaasseqqinneq	Naggataatigut pisassiissutit	Pisassiissutinit pisat	Naggataatigut pisassiissutininik atuineq
Saarulliit	403	5.151*	-800	4.804	5.099	106 %
	404	1.524			843	55 %
	415	1.821		2.274	678	29 %

* Qaqortoq Fish ApS-imut kattuppoq, pisassiissutit taamaammat 403-mit 5.604 tonsinut aamma 415-imi 2.274-inut qaffapput.

2021

Aalisagaqatigiit	Sumiiffik	Pisassiissutit	Agguaasseqqinneq	Naggataatigut pisassiissutit	Pisassiissutinit pisat	Naggataatigut pisassiissutininik atuineq
Saarulliit	423	9.131	+350	9.481	9.491	100 %
	425	1.015		1.015	1.016	100 %

2022

Aalisagaqatigiit	Sumiiffik	Pisassiissutit	Agguaasseqqinneq	Naggataatigut pisassiissutit	Pisassiissutinit pisat	Naggataatigut pisassiissutininik atuineq
Saarulliit	423	8.224	-449	7.775	7.774	100 %
	425	2.257		2.257	2.260	100 %

2023

Aalisagaqatigiit	Sumiiffik	Pisassiissutit	Agguaasseqqinneq	Naggataatigut pisassiissutit	Pisassiissutinit pisat	Naggataatigut pisassiissutinit atuineq
Saarulliit	423	8.224	-700	7.524	7.458	99 %
	425	2.257		2.257	1.674	74 %

2024

Aalisagaqatigiit	Sumiiffik	Pisassiissutit	Agguaasseqqinneq	Naggataatigut pisassiissutit	Pisassiissutinit pisat	Naggataatigut pisassiissutinit atuineq
Saarulliit	423	8.224		8.224	8.228	100 %
	425	2.257		2.257	1.544	68 %

2025

Aalisagaqatigiit	Sumiiffik	Pisassiissutit	Agguaasseqqinneq	Naggataatigut pisassiissutit	Pisassiissutinit pisat	Naggataatigut pisassiissutinit atuineq
Saarulliit	423	8.711		8.711	7.465	86 %
	425	2.310		2.310	2.291	99 %